


上



新刊

新刊

裘馬英流多生河北。菰蘆秀士半產江東。塗山爲
玉帛衣冠之所。王會如新。靈汜乃干旌組練之鄉。
霸圖斯啟。峰藏金簡。開前哲之光華。渚種芳蘭。供
後賢之紉佩。生其地者。彩比鳳毛。居是邦也。美逾
竹箭。從古歷稽。群彥史不勝傳。於今又得一人。才
尤獨絕。吾友劉子戒謀。忠孝子孫。公卿門第。黃童
髻穎能文。世號無雙。虬子幼聰博學。居然第一。漬
紅桃而作紙。日量十斛。松煤握青。鏤以裝毫。時放
千枝花蕊。天孫雲錦。織自懷中。海客鮫珠。拈來指
下。道文房之隻字。更屬誰歟。繼夢得之豪吟。真稱

作者爾乃郢曲有難賡之調。祇振響於刻羽。引商牙琴。無善聽之徒。聊寫心於高山流水。藉糟枕麴。頗厭時趨。贈縞盍簪。偏欣結契。僉謂伊人。獲覲甫入座而俱香。恒言此客若逢。誠不衣而自煖。且復性愛幽閒。居鄰水竹。囊螢作炬。非惟泛涉百家。築室為城。豈僅專工五字。沈休文詞華典贍。名是青箱。衛叔寶韻致清揚。姿同白璧。花間響落。盡上珠簾。隴首吟成。爭鈔紈扇。誰家綺席。不留題千幅。烏絲是處。旗亭曾高唱一篇。紅豆極才人之跌宕。孰與齊驅。擅名士之風流。何妨獨立。至若情由一往。

而深境以屢遷。而閱恒因所遇。大放厥辭。或金釭畫角。搔青髻以長謠。或羅袖玉釵。倚朱欄而點筆。或黃壚再過。思舊侶以銷魂。或華屋空存。積新愁而掩涕。或登高攬古。目窮於明滅之斜陽。或送遠傷離。心結於萋迷之芳草。或茂先未覩。空騰劍氣於蒼旻。或象罔難求。尚掩珠光於赤水。或踏山中之橡葉。遙訪詩僧。或看江上之荻花。偶逢商婦。或苔侵筇屐。每過羊求。或竹映琴樽。時邀嵇阮。凡茲觸緒。興懷總藉。嘯歌見志。編分甲乙。幾欲等身。硯潑丹鉛。寧嫌脫腕。伯仲於拾遺供奉之間。曰仙曰

聖位置於商隱庭筠之上。亦艷亦香。僕憶來遊。君先合并。秋風驢背。快披李賀之苦吟。皓月扁舟。飽聽袁宏之朗誦。有句皆驚。無奇不賞。哀其緇帙。授彼梓人。播珠璣於虎觀。奚煩寫向画屏。長聲價於雞林。必且珍爲秘枕。嗟乎。小言持贈。遠愧吳均。大雅扶輪。定推劉惔。亭畔名葩。待賦將登七寶之牀。坐中麗藻。常拈已掣五花之簞矣。黃海吳詩成序。

往余作客嶺南。道經惠陽。遙望羅浮四百峯。歎爲奇絕。時以事牽。不獲一躡飛雲。至梅花村。問趙師雄夢處。徙倚久之。篋中適貯劉子戒謀暗香浮影詩。相與微吟幽唱。三復其佳。而珊珊來前。心魄爲動。是真移情戒謀之詩。同之成連海上之琴乎。及余倦游歸里。戒謀已成新集。種種其淡情流韻。大致與前等。而彌爲恢奇。更能該博。則數年浸貫載籍之功焉。論者多云戒謀詩似溫李。余謂從溫李入。非從溫李出。則已盡攬杜韓蘇范之勝矣。談詩家今日號爲極盛。然皆掇取浮華。忘其根柢。即有

能思自刊落。期進於古。亦止一聯半句。爲得。按以
長篇考其全體。又復失之。未足成名。惟吾同巢諸
君。約爲讀騷窮經之學。不爭字句。余質最庸下。而
戒謀之名。獨艷。戒謀足不出於越。宦茲土者。郡守
丞下。必邀相見。爲酬倡交。四方勝流名士。探奇至
越。亦無不詣戒謀廬。通欵曲。販夫牧豎。固不識所
爲詩。然見戒謀能指之曰。是才子也者。昨有客從
江南來。謂琴川麗人張某。得戒謀詩。愛不釋手。稱
爲詩瘦生。則戒謀之名。滿之香閣。噫。亦異矣。戒謀
合前後所著。隸爲六卷。刻成一編。囑予別白其所

以其一爲天南一峯集。天南之山。以百數。而會稽
爲之雄長。周禮揚州之鎮。曰會稽是也。同人構巢
其間。余因是以顏所作文。今山川清淑之氣。又移
而屬之戒謀。蓬萊閣在郡署中。閣之得名。始於元
和才子湖山八百。收於指顧。戒謀嘗應大人先生
之招。觴咏其地。集中所載諸作。可見矣。戒謀之先
有夢得者。與元白諸君。賦金陵懷古詩。夢得詩成。
樂天覽之。曰。四人揆驪龍。劉子已得珠。所餘皆鱗
爪耳。戒謀集曰探珠。意或有取於是。然則驪龍之
珠。其世爲劉氏有乎。戒謀於侍養之餘。欣爲點筆。

宛委山人詩集
卷一
尊大人固名宿高年健飯戒謀學問成就多得之
庭訓人生之樂以此為最軒名真樂即繫之於詩
暗香浮影獨得二卷蓋戒謀僑於李氏之香雪廬
積十有五載詩之多以千計刪其繁嫩特見亭亭
讀戒謀詩者以是序先之則大略盡矣友兄田易
撰

宛委山人詩集卷一



山陰 劉 正誼 戒謀

天南一峯集

山樓

溪上築高樓連蜷青山繞細雨沐煙鬟諸峰紛窈
窕晨夕擁圖書近遠恣瞻眺淥水響淙潺白雲流
縹緲古木發新花清香入硯沼微吟對夕陽鐘聲
落牕表

春雪初霽石屋山限韻

積雪連春宵湖中滿煙浪侵曉望檐前晴光流滉

澆紅輪照青山層層出翠嶂勝侶呼尋游倏覺精
神王盧舟撐清波身似銀華上嫫媪堤柳抽霍靡
岼草放駐棹入中林數里平原曠峘岷見幽巘下
臨千百丈澗雪與溪雲凍合寒難望仄步上危崖
亂石環獅象紆折出崇巔千山列仞強高下互搪
撐目中化百狀厝窟若神剡危峰與天傍盤旋玉
樹叢斯時午未餉痺肌忘辛勤豪襟彌曠宕大呼
我同游揮毫速酌唱試觀一日間竟去紅塵障若
語未來人定以吾言妄安得萬卷書更求百斛釀
便向此山中百年恣放蕩一笑且還歸重來應無

恙

郊外

東風吹白袷春色滿修垌花影村西墅溪聲石上
亭雨深平野綠雲補斷山青挈榼垂楊下黃鸝盡
日聽

尋春

雁齒橋流碧漲新芳堤鹿鹿輾朱輪尋春春最飛
揚處画板鞦韆獨立人
惺忪香雨細如絲睨睨鶯雛坐柳枝幾日馬蹄青
草路又看踏過賣餠時

偕施蓮溪啟訪厲思晦煌城西

城西日暮多昏鴉。鼓木榱榱蒸朱霞。拉友訪友循
三义叩門一見談。周遮如鶯得侶啄春花。人驚何
故私囂譁杖頭解付黃公家。一斛痛飲歡無涯。忽
來月色盈檐牙。城頭戍鼓鼕鼕搗。

鑑湖春泛分韻自二蕭至九青

一曲花源一畫橋。手摩葯玉百愁消。春山自有新
看譜不學人間十樣描。
如鏡湖垂萬柳梢。參差新葉影都交。綠天望入無
行處。一樹飛紅判路坳。

紅雨紛紛落絳桃。粉梨如雪撲輕舸。初成花樣都
裁碎。底要東風作剪刀。

片片春雲似綠螺。半流山上半隨波。柳姑祠下飛
霞影。又結爛斑疊綺羅。

青鎖疎窓淺碧紗。珠樓人倚玉闌斜。清波正落樓
頭影。看作新開姊妹花。

玉簫金管滿湖塘。朱粉飄風別樣香。細語休傷聽
未得。憑如燕子話斜陽。

十八封姨最有情。不教花柳太分明。画船底用催
歸急。聽遍春溪細雨聲。

煙霧迷濛結晚汀。無邊春思在花舸。十年作達人
誰識。夢遶湖山萬疊青。

賦得東望望春春可憐

東望望春春可憐。平橋細浪綠搖天。花中鬢影飄
香徑。樓上簫聲落画船。一段斜陽殘雨後。半鈎新
月暮霞邊。匆匆收拾尋芳興。結綺疎窓掩獨眠。

懷商介廬和

春深楊柳花江上。紛如雪。天末抱相思。憂來不可
絕。人生幾同心。而復長離別。日出聞流鶯。日入聞
啼鳩。春愁塞兩間。茫茫那可說。

偕同學諸子訪王素堂鶴齡於樊川別業

畱飲達旦卽席賦贈

春光九十歸匆匆。晨興疎雨飛空濛。堦前忽聞鬧
屐齒。相邀同訪王無功。兩岍青山亂蒼翠。一篙綠
水游烏篷。微浪不生雙槳疾。波平江面如青銅。楊
花紛舞春前雪。野香暗逐田間風。笑譚不知出郭
遠。須臾曲港如環弓。枝頭黃鳥鳴睨睨。渡邊碧草
生蒙叢。柴扉兩扇臨水設。千山當戶真青蔥。叩門
未了主人出。登堂一一彎深躬。遠別初見各抗禮。
寒暄舊話人皆工。咄嗟王郎天下士。廿年壇坫稱

文雄筆端不使纖塵染胸中。豈有微雲蒙讀盡五
車傾三篋。要令萬物歸牢籠。有時仰天哦詩句。珠
璣亂落追坡翁。有時捉筆一揮灑。烟雲滿紙齊南
宮。手持不律走天下。北抵燕趙南粵東。何人相見
不傾倒。寧須脫帽陵王公。於今欲慰倚門望。十年
游子歸青驄。故鄉好友積饑渴。暮雲江樹時忡忡。
此日相見喜欲絕。開尊闌入蕭齋中。奇松怪石空
庭滿。牙籤玉軸匡床充。零落殘花飄曲徑。參差新
竹侵簾櫳。片時珍錯羅几席。主人真覺殊曹洪。千
杯百杯互酌酢。藕絲蕉葉香郛筒。何遜掀髯恣大

嚼。當杯氣欲凌蒼穹。徐陵不語搜新句。擎樽心口
如交攻。手凭玉案朱萬卷。微吟密咏聲淪淪。隴西
公子多愁思。歡場獨覺如癡聾。魯恭旌欲指香浦。
相逢相別情無窮。而我狂態不可禁。垂頭吸酒如
長虹。人生惟有朋友樂。譬之美玉資磨礱。所恨四
方各分散。南轅北轍猶飄蓬。今夕何夕相聚首。一
堂歡樂情融融。樵青廊下刈蘭桂。雪兒屏底操絲
桐。倚遍綺闌玉露白。吟殘樺燭芳筵紅。憶昔七賢
竹林下。放懷直使千秋空。今宵讌集數適等。時共
七人
一時高致將毋同。回頭笑問諸君子。不知若箇是

阿戎城遠不曾聞。戍鼓花間瞥見影。瓏璵只疑明月猶未落。那知旭日光瞳矐。

自笑

自笑情何僻。謀生竟未能。鬻田買古硯。貸米養詩僧。花月耽成癖。禽魚狎似朋。室人交謫我。一任絮紅燈。

無題

簾押低垂翡翠寒。帳中小影怨珊珊。黃金縷帶悲連理。碧玉圓璫剩合歡。漏永城頭明月落。春深墻角杏花殘。單鳧寡鵠成消渴。抱得瑤琴不忍彈。

珠斗斜傾夜月西。驚回幽夢鷓鴣啼。自憐花下當壚婦。不及盤中織錦妻。小院孤鸞調綠綺。空梁雙燕落紅泥。相思淚滴犀簾損。望斷春山翠黛低。漢代爭傳錄秘辛。游龍矯若美人身。為雲為雨巫山女。傾國傾城洛水神。夢向紗窓憐小小。癡從畫障喚真真。傷心寶鏡塵埋久。空說東家宋玉隣。贏得瑤笙臺上吹。飛來雙鳳舞參差。風搖屈戌金鋪冷。月轉梨花玉鏡移。拚取斛珠調碧玉。吟成百韻比紅兒。神雞枕畔回殘夢。不羨揚家有二姨。十五王昌新嫁娘。回文機上織流黃。參差吹徹春

將暮錯落傾殘夜未央。水滴銅龍傳永漏。烟消金
鴨剩餘香。枕屏山色江南遠。空有紅燈照淚粧。
小犢流蘓油壁車。相逢顏色曠桃花。珠窓謝婢新
調扇。金屋吳姬舊浣紗。纖指驅環圍翡翠。檀槽鐵
撥弄琵琶。祇憐豪客黃衫少。何處能尋古押衙。
苑外花開堪助嬌。海棠睡醒額黃消。時憐待闕鴛
鴦社。畏說銷魂楊柳橋。夢去緩歌紅豆曲。醉來偷
弄紫瓊簫。憑風吹寄霓裳去。只恐雲深雁路遙。
玉鏡臺前五色梳。新粧纔罷轉踟躕。薔薇泣露開
香徑。鸚鵡嫌寒話綺疏。硯匣琉璃詩博士。筆床翡

翠女尚書。閒窓無計消春晝。漫學相如賦子虛。
龜甲屏風倚綠珠。曲房書札寄麻姑。玉壺凍結紅
冰淚。金縷寒銷白雪膚。粧罷薰香調錦瑟。夜來燒
燭闔。擗蒲東隣姊妹俱歸去。學畫滕王蛺蝶圖。
腸斷蕭郎愛遠游。吹簫空上鳳凰樓。柳枝詩句悲
紅拂。桃葉歌聲怨白頭。婉轉玉床貽芍藥。高燒銀
蠟倚筵篔簹。春潮有信人無信。愁聽涼州與并州。

寄王七素堂

我友烏衣巷。風流那得過。字思復作聖。詩愛日爲
魔。綠黛江頭渡。紅裙扇底歌。瘦腰止一尺。憐汝奈

伊何
西園前日聚紅燭對深宵小吏鳴鼉鼓佳人響鳳
簫千花亭外密雙槩鏡中遙寂寞書樓客舍情不
自聊

城南恭謁先太師遺像

古廟居城南雲影羅簷覆朱門遠岫青綠樹殘鶯
咒趨謁先精忠遺容卓宇宙秘靜藤花垂斑駁池
苔繡英靈老乾坤荔蕉香俎豆我頻謁我公凜凜
不敢就通誠向几筵裔孫願細觀望公少霽顏跪
拜肅衣袖

愛蓮閣

水閣蓮花繞榻香朱闌干外四山蒼淺紅深翠盈
堤艷細雨斜風一院涼思發可憐新社若吟低不
擾睡鴛鴦小年無地堪消遣端合攜樽老是鄉

端溪老坑硯歌

羶羊峽中多奇石唐人宋人珍如璧琢之為硯日
磨礪疑割雲霞來几席千餘年後廣鏡搜入險維
深不遺力鼉磯龍尾非其倫下視沉泥真瓦礫青
花白葉間紅蕤玉帶金絲形各異叶媧皇似經手
煉成秘藏五色蛟虬宅東西兩洞世共求老坑妙

質尤難獲半規紫玉價十千。鴉睛鵠眼分黃碧。不
須勺水研隄麋。透體潮痕潤朝夕。平生嗜硯情絕
癡。得此摩挲忘寢食。橫經列史坐蕭齋。自信書淫
勝錢癖。笑持毛穎當耰鋤。長向石田勤稼穡。

送田易堂易入山

田子攻書史。勤勞似馬融。欲成千載業。獨往萬山
中。竹牖晨搖綠。花闌夜舞紅。知君多著述。宥寄鏡
湖東。

題何公子濯足萬里流小影

凌空峭壁俯江邊。下有神山小謫仙。遠豁雙眸看

碧落側。垂兩足。劃青天。美人香草思如結。月扇梅
花句任傳。四顧茫茫我與我。纖塵一點敢飛前。
一寸胸中橫九州。蕭然物外擅風流。借來萬里無
窮水。洗去千秋不了愁。綠愛危崖離地立。青憐遠
岫近天浮。崇岡倘忽聞清嘯。是我將衣振上頭。

徐夫人

昭華

於令名居見余題壁句賦四

絕見贈次韻奉答

偶然檢韻故人居。荏苒流光四歲餘。記不分明舊
日語。尚煩錦字出香裾。

紛紛詞客越江濱。隋馬愁眉粧鬪新。柳絮飄零燕

子散談詩還有謝夫人原云青玉案頭有士女學書不拜衛夫人

十載幽栖一草堂斗間星尚黯無光筆花不到江

郎夢爭及班昭姓氏香原云惟君字字驚元白不藉江花夢筆香

紗幃論詩記昔年吟成画蝶似花鮮宋庭二女家

三妹也料無人得擅前原云多少詩家誰第一應無人在外金前

何笥山嘉珮歸自秦淮二律見投次韻奉

答

一片荷香裡秦淮返客舟憂君小憔悴愈覺老風

流離恨傾懷吐新詩點筆酬細搜珍物贈益以石

鄉侯

憶管分襟日牽群送子舟愁如雲乍結心共水爭

流別緒挑燈散吟聲隔巷酌從今粧閣上莫悔覓

封侯

淶水曲

淶水明於鏡蘋花白似銀盪舟浦口女莫是弄珠

人

寄竹垞朱太史

瀛洲十載羨鳴珂房杜聲名豈復過自愛黃冠歸

鑑曲任從紅藥放鑾坡孤筇醉倚山中月小艇吟

搖江上波多謝錦囊白雪句殷勤千里寄巉阿

宛委山人詩集 卷一
紉蘭纓蕙集蓉裳寂寂徒嗟擁墨莊總兆文明夢
鶯鶯誰憐毛羽繡鴛鴦得逢當世千秋客敢吝平
生一瓣香愛殺幽棲朱萬卷微情結與暮雲長
黃花滿眼碧山稠綠野如何作快游柳簡牙籤羨
博洽練裙蠟屐想風流迢遙幽夢成深夜細碎閒
愁起素秋阿大遠來揚子宅指家孟側身西望思悠
悠

飲酒

身與俗子緣擾擾無由避心爲塵網牽役役安能
棄思裁一片雲掩不容人至香風塞西窓閒花開

滿地呼童取清醪少求醉鄉庇一醉人不知再醉
忘百事沉醉復如何不與羲皇異乃知家叅軍沉
酒有深意

秋日雜興

露寒紅藕落殘花明月池塘處處蛙黃卷如何完
本分青山豈便作生涯浪吟詩句慚詞客時缺囊
錢累酒家所愛清齋塵不到一庭秋色最堪誇
七尺堪憐爲命拘溪山寂寂作潛夫清愁可話惟
鸚鵡短曲難聽是鷓鴣自信俗情頗未有誰言狂
態要全無小樓暑盡涼風起劇似饑人乍得餬

偶嘗世味已分明。只愛吾廬適性情。有一讓人不
善佞。無他累。我祇貪名。波翻江上天。流影風起林。
端月作聲笑。憶昨宵吟較苦。疎髯又斷兩三莖。
昂首乾坤不會低。雲梯百尺故難躋。雖如安石身
猶隱。要與希文志。少齊世上誰何。訓白雪生前會
否欠。黃蘗吟來蓮渚微風起。片片餘香尚滿泥。

渡錢塘江

揚舲渡錢江。江流何浩渺。旭日浴秋濤。輕雲逐飛
鳥。水濶碧天低。岼遠青山小。隱隱遠林樹。冪冪寒
煙繞。嗟我何來斯。豈為恣吟眺。冷然凌秋風。孤帆

飛縹緲。諒哉行役人。難免離憂擾。

同武唐李鶴君

永祺

海昌沈岱瞻

嵩士

夜

飲吳山僧舍用放翁眉州郡燕大醉中間

道馳出城宿石佛院韻

寒山寂歷秋風清。暮煙一抹昏鴉鳴。欲排旅悶來
僧舍。誰能與我飛千觥。相視莫逆有二子。樽罍特
整談交情。東陽博雅聞天下。青蓮早歲飲香名。酒
酣忽呼毛錐子。各率偏師攻詩城。醉墨飛隴興天
矯。豪襟開放神崢嶸。嗟君一飛都直上。不鳴如我
人。誰驚逞歡不知夜。欲盡寺鐘忽報東方明。

送岱瞻歸里

東陽才子沈休文。瀟灑綸巾白練裙。不合時宜惟
有我。相期古處可無君。小橋一夜開朱鷁。極浦三
秋結暮雲。蕭瑟西風吹雁影。幾人垂淚向斜曛。
雲門蘭渚讌良辰。十五朱絃醉凍春。盡謂少年意
氣合。誰知異姓弟昆親。行時哀柳寧堪折。到日幽
蘭尚可紉。九月南湖波渺渺。側身西望欲傷神。

登秦望山恭步先中丞蕺山曾伯祖韻

曉望平林宿霧開。崎嶇隻影入蒿萊。烟雲盡向衣
邊散。巖壑都從屐底回。千仞何人能屢上。百年今

日記曾來。松濤多處空山寺。遠見荆扉帶月推。
攬勝千尋未覺瘁。更登百仞不須商。風鳴竹似瓊
瑤佩。石蔭泉如沆瀣漿。深谷亂雲迷謝客。斷碑殘
雨泣秦皇。小留真覺忘塵世。豈計人生彭與殤。

雨窓懷吳四丈詩成用放翁久雨道懷韻

風雨綿朝夕。百感紛櫻心。援琴彈北牖。終曲無知
音。遐思吳季子。思比空江深。寒烟蒙疊嶂。亂雲彌
疎林。摇摇庭外柳。嚶嚶花間禽。端坐閉蓬戶。一卮
聊孤斟。

秋風高

宛委山詩集 卷一
秋風高吹霜林紛紛葉落寒雲深空山遠送哀猿
吟哀猿吟心耿耿綠烟衰草搖金井月明小院紅
欄冷紅欄冷吞聲哭蓬頭齧齒藏金屋傾城人抱
秋風宿

臥病懷同學諸子

婆娑斗室感霜蓬綠帳低窺燈影紅好友都來清
夢裡秋聲盡送枕函中白蘋杜若懷江浦苧草菜
莢貯葯籠不識諸君相憶否多時元白冷詩筒

病起

茶濤藥火竹君邊戍鼓淒清劇可憐莫怪無情對
綠酒傷心有母在黃泉秋從萬葉聲中老月向千
山缺處圓多少愁懷新病起仰看飛雁數青天

勒小印寄魯思亭士系一絕句

採玉荆山寸許長風流名字勒生香黃金斗大何
妨握如荳如珠劇可傷

曉渡曹江送別靳司馬雁堂先生

凌晨發寒江西風吹江樹悠悠送使君縹緲孤颿
沂初日射微波晴嵐開野戍回首千峰低雲羅一
雁渡登崖望行人臨行復三顧我欲言離愁空江
鎖煙霧

夜汎吼山

幽壑斜陽裡。茫茫放越舸。一泓寒結綠。千嶂暮圍
青。候月支蘭漿。臨風倒玉瓶。朗吟消寂寞。雁語不
堪聽。

忽見空巘下。輝輝月影流。瓏璁山樹結。曲折野雲
浮。竹葉搖荒徑。梅花放小樓。所思不可見。誰與話
離愁。

外大父大方伯王公城北草堂賦感

北門門外霜葉枯。北風其涼吹衣裾。方伯草堂多
蔓草。堂前水綠如醍醐。我幼憶曾告慈母。爲官人

盡高門閭。外大父位躋方岳。今看甲第何無餘。維
時母隨訓小子。爲官豈在多錢乎。外祖建節鎮西
粵。胡威清白無差殊。總作高官不治宅。幾間老屋
藏詩書。今適來此坐竟日。徘徊四顧增欷歔。花墻
一帶壓叢竹。藥闌半畝游鼪鼯。方池漱灑墜落葉。
古木輪囷巢昏烏。藏書人盡書亦盡。蠹魚饑死無
煩祛。惟有莓苔匝曲徑。班班溜雨如金鋪。天乎廉
吏應不負。子孫困阨當何如。須知越中膺仕諸大
厦。朝彼暮此誰寧居。

宛委山人詩集卷一

宛委山人詩集卷二

蓬萊閣稿

寒食讌集蓬萊閣即席限韻分賦

千疊晴巒秀可餐。庾公載酒任疎頑。繁花紅映重
重樹。綺席青圍面面山。冷節忽因人意熱。叢愁盡
為酒杯刪。身前曾否親香案。也廁蓬萊仙吏間。我本

玉皇香案吏。謫居猶得住蓬萊。元微之以州宅誇樂天句也。故府治有蓬萊閣。

逢時媚世歎勞勞。放浪誰能似我曹。香度隔墻楊
柳笛。春濃小盞李花醪。未酌白雪千秋句。先領青

山陰 劉 正誼 戒謀

松萬斛濤安得連朝攜画榼。扁舟觴咏試輕篙。
倘難免俗便堪嗟。聲氣相親是一家。幽砌微香放
蕙草。疎簾碎雪落梨花。口因雅謔開難合。頭爲狂
吟整復斜。欲倩丹青圖勝集。幾人野服一袈裟。
曲曲闌干薄暮凭。疎林斜日影翳鬢。尋香似趁花
鬚蝶。預勝真同驥尾蠅。醉繼劉伶誰可匹。狂如阮
籍我兼能。他時倘了紅塵事。共上輕航入武陵。

望海亭呈郡侯宋靜溪先生

蠡城抱八山。卧龍居第一。長身行蜿蜒。危峰聳翠
律。有閣號蓬萊。肇自元楨述。亭以望海名。巍峩高

莫匹。舉目向四方。無遠不能極。而俱依官衙。可望
詎可即。如彼海外山。凡人安得識。維昔靳使君。引
我常游歷。今茲宋廣平。襟懷復飄逸。下訪菰蘆人。
置入瀛洲室。曰余得一君。國人足矜式。仙山縱歌
吟。仙閣翻緇帙。分刺署中人。風流有吳質。晨夕亦
邀留。前後恣降陟。每欲豁雙眸。卓爾孤亭立。萬井
人煙繁。千里山川密。海氣昏茫茫。欲作長鯨吸。我
思昔此亭。豈爲游觀葺。若云望海氛。猶不知其實。
東南百萬家。俯視紛如織。民力孔艱難。如何通胸
臆。太守時觀瞻。處處施軫恤。

春日飲吳四丈署齋次韻

清署垂楊一徑陰
雛禽花裡試新音
每來便得觀三絕
小咏何知論四深
園角肥蔬味獨至
床頭旨酒手交斟
化工忽發冬藏雪
灑盡遙林與近林
幾載晨昏歡笑同
鶯花又復際春風
酒兵正好微軀率
詩壘全憂夫子攻
柳似金垂疑或剪
雪如玉碎豈天礮
昂頭癡自停杯想
忽入甜鄉短榻中

禹陵春游詞

穉柳夭桃夾岼開
画船簫鼓滿湖隈
青青山色都迎笑
又引游人一昔來

松陰柳下駐青絲
白面蒼髯夾隊馳
學得衣冠玉帛字
紛來禹廟說題詩

雜沓紅妝兩黛纖
相逢故故作矜嚴
軟泥行路無青草
印與人看小鳳尖

夏王陵下夕陽西南
鎮祠前暮靄迷人影
衣香薰地散春山
十里子規啼

龍山飲月歌

龍山高閣東風溫
千花百卉香盈門
中春夜靜張綺席
濛濛窓戶煙雲屯
忽然西方上明月
入雲木杪懸金盆
在眼衆山都歷歷
清光蕩漾流乾坤
啁

枝幽鳥聲嘖啞垂檐弱柳絲翩翩松濤萬壑迎風
起四圍入耳如雷奔滿懷清興不可說何況有酒
盈芳樽我愛看月碧湖裡蘭橈獨鼓沿江村此時
七尺入明鏡紅塵一點能相混不然看月朱樓上
翠簾半捲疑晨暎玉人金竿笑相勸簫聲花片飛
黃昏今夕何夕飲仙閣欲論此樂殊難論霏霏清
語憑風隨涓涓花露如鯨吞倚盡回闌十二曲飄
飄天半飛吟魂

蓬萊閣懷雁堂先生

寒江折柳庾公行景物驚看次第更積雪又同鴻

影盡春風知逐馬蹄生閒愁縹緲消無榮幽夢荒
唐記不明漠漠雲山勞極目吟鞭何日指蠡城
每望天涯駐紫騮曾聞昨日下午揚州冰心豈愛纏
腰返仙骨知惟領鶴游芳草香雲春日路濃花淥
水使星舟佇看重到蓬萊地許共清尊遣積愁

同素堂香粉巷訪友

香粉春風巷雙扉掩碧苔不知孤客坐能料兩人
來細雨桃花孕輕煙柳葉開小僮應剝啄一笑洗
樽罌

次韻靳公見懷二絕

宛委山人詩集 卷三
五馬東來首問民。百錢攜送賀公貧。萬山紫翠亭
幽絕。鳥坐花飛又一春。
曲身才至燎烏薪。雪後傳杯玉辟塵。今日錦帆度
北郭。含思最是十詩人。

送魯三思亭省方伯公粵東

長短亭前柳萬條。驪歌聲忽起清宵。殘花別淚爭
零落。粧閣詩壇兩寂寥。摒擋煩愁一棹去。收羅風
月片帆飄。知交晨夕星同散。嗟我如何得自聊。
春光彈指去匆匆。一徑殘英逐晚風。我欲避愁出
天外。君偏添恨去江東。板橋茅店吟魂遠。斷嶺危

灘。句子工。屈指趨庭萊舞日。官衙正好荔枝紅。

蓬萊閣小集

顏唐雲影數峰支。爛熳春光又一時。記得探梅前
度醉。東風剪雪撲簾絲。

花間殘照漸移檣。搖蕩柔條鳥夢醒。望入畫橋添
暝色。一聲漁唱隔煙聽。

誰弄瑤箏弱柳邊。濛濛飛絮欲漫天。當壚人在千
花外。指點銀鉶憶去年。

浮空花霧濕衣寒。燭跋頻更語夜闌。却笑江南老
詞客。詩名不肯換粗官。

不辭千日倒芳樽看盡烟絲共雨痕安得爐薰如
聚窟亂紅飛處返香魂

竹裡人窺座上才雲藍分送句頻催含毫正對桃
花笑長笛聲聲又落梅

霸圖銷歇古今殊何處荒臺宿鷓鴣猶有春城好
風月耐人花底捲蝦鬚

朱碧紛圍便足豪銀絲斫鱠玉爲醪蓬萊近在花
深處十二瓊樓枉說高

舞蔗彈碁我未如淋漓醉墨溼長裾仙山樓閣須
凭徧莫賸紅闌半角餘

欲截飛虹作彩橋凌虛春恨一時消更闌不放園
花睡官燭還燒四五條

攫取驪龍一片鱗狂來高閣寫紅巾笑誰多事帷
常下負却人間幾許春

淺深芳榭露光濃鶴羽毳點落紅不薄當年香
艷格才如溫李許相同

余合同郡十二子築別業宛委山人各一
廬榜其別號當花晨月夕令節佳時群集

訓和名曰東越詩巢春日宋郡侯及司馬
別駕山會兩明府置酒大會諸同學於巢

中即席紀事

宛委山高，高凌雲。四時佳氣，浮氤氳。秀靈知特天。
地種萬山，環拱誰能群。梅花梁作神龍舞，石書匱
秘先天文。一穴內實藏神禹，仙人來往真紛紜。簷
牙參差幾間屋，昔合同心此卜築。一灣綵繚春溪
波，百株輪囷虬松木。疎籬曲沼布隨宜，小亭石磴
寧嫌複。梅花近復植成林，從以梧桐桃柳竹。越州
官長多風流，暇糾騷客尋良游。輿從遠屏十里外，
清攜散榼乘扁舟。到山握手互慰藉，觴咏並起情
油油。適意不拘坐或走，總要是處遊清眸。商氏介

廬居其長，廬中結構人爭仰。

商君和號介廬

幽香逸韻愛蓮

溪施君敞號蓮溪

石渠清流流潏沕

錢君為鼎號石渠

石梁飛駕如長

虹厲君煌號石梁

筍山兀峙溪渠上

何君嘉翔號筍山何與厲齒並居錢施二子上

竹溪瀟

灑臨素堂

王君鶴齡號素堂徐君之熾號竹溪

易堂雪堂對開爽

田君易號易堂魯君

國書號雪堂

查軒精潔倚芥山

朱君悅仁號查軒王君佳齡號芥山

思亭後聳何

幽閒魯君士號思亭

我樓百尺收萬象，四壁峭立峰回環。

余書

樓名宛委山房

時人不識經營苦，動思巢上來追攀。名流勝

地兩美合，雄視海內如秦關。春風吹動千花麗，綠
波翠嶂爭明媚。籠頭紗帽折角巾，出處人殊心豈
異。吾儕聚散亦不常，使君此會良非易。白袷奚奴

捧硯來。劉生役管為之記。

鶯

翩然新出谷。金縷巧裁衣。百轉音何婉。雙柑聽不歸。咒桃紅雨浣。栖柳綠烟圍。要得佳人惜。秋千架畔飛。

燕

常因春社至。刷羽羨雙齊。偶入朱門語。寧嫌蓬戶栖。影低楊柳陌。巢補杏花泥。莫話烏衣事。斜陽一片迷。

鴉

絮飛花事盡。獨汝最關情。林際千聲度。天涯百感生。畫樓心欲碎。孤館夢難成。躑躅枝頭染。啼痕點點明。

雁

吳江楓未落。嘹唳已南來。風急飛難定。雲迷聲更哀。一行過馬首。萬里別龍堆。避弋高翔好。休將健翮摧。

送春和吳紫瀾

為瀚

韻

楊花乳燕繞簾飛。太息芳春草草歸。酒冷香消愁滿鏡。江空人遠淚盈衣。一聲長笛千紅亂。幾樹殘

鷺萬綠肥誰識高樓惆悵客凭闌無計繫斜暉

咏劍

千金購湛盧不向囊中秘夜夜拭燈前細數平生事

一握寒如水休論七寶裝鉛刀遍天下何處露光芒

碧霞灣述意

山為先慈葬域

我聞韓淮陰經營母葬地旁可置萬家壯哉貧時志
誼也敢與倫惟殫人子意七載覓山川力竭敢言瘁
愛此碧霞灣靈奇天地閱千山合沓來衆水

彎環至樵風涇左圍神禹陵右庇石帆玉筍峰一
端位置豈期守塚多所欣名勝萃結廬依我親他年世可避

寄錢石渠

為鼎

乍看陌上返雙輪又向他鄉逐軟塵別覺甚匆疑
怨我饑何太惡慣驅人苗針菱葉垂垂老蓮子芹
芽冉冉新酒醒夢回遙獨望一天月色空去聲如銀

送田十三易堂之粵

生平無他憂但願免離索垂髫賦結交日罄千金
橐我有酒如池簪履合歌嘯我有肉如陵車馬集

歡樂近日黃金銷。諸君步亦却卓哉。田子方富貴
從來薄。四方達令聞。萬卷窮淵博。奕奕人中龍。矯
矯雞群鶴。數歲山巢中。聯床破寂寞。風月互評衡。
詩酒交斟酌。忽將嶺南游。別我蓬萊閣。嗟我玉與
刀。藉汝礪而錯。一朝欲遠行。數日中懷惡。我聞羅
浮山。萬仞青如削。又聞南海洋。波浪兼天作。東坡
儋耳歸。文章緣益拓。所悵我同袍。天涯盡飄泊。江
上舟搖搖。山中雲漠漠。試看眼前人。中懷誰可託。
題董明府學稼圖應祖司馬

稻隴官將心去向。金貂挂書牛。出青堤。健饋餉人
行。綠野嬌蕉扇。羅衣垂柳下。此生自信不無聊。
碌碌風塵底。足誇投簪豈用復。巾車盧生走徑名。
何在陶令歸田趣。轉賒幾樹垂楊斜。作浪一池新
藕艷。生花清吟石上消。長晝不憶當時放曉衙。

乾蝴蝶

莫問朱欄綺榭邊。輕盈情性化如煙。年年花裡風
流活。粉褪香銷亦可憐。

自東郭至石帆山即事寄吳四丈

冷冷縱輕舟。滿路流花片。濃烟靄青雲。垂楊搖碧

宛委山人詩集 卷二
線十里。畫圖行兩岼。香風扇紅蘿。詩客巢綠樹。神王殿。沂洄任樵風。孤帆走溪面。不見白鶴歸。安見仙人箭。曲曲石帆山。萬卉生如絢。下有小烏蓬。群人集歡讌。忽云景極佳。惜罕詩人見。余聞即諭之。微軀斯頗擅。一人奉清尊。一人磨小硯。揮毫一短吟。一一均稱善。笑語諸井蛙。如斯奚足羨。尚有真詩人。深坐蓬萊院。

聞笛

何處吹羌笛。空庭夜獨聞。悠揚媚素月。斷續入寒雲。舊恨三千斛。新愁十二分。無聊人靜依。花影落紛紛。

紛紛

久旱喜雨用東坡和孔毅甫久旱已而甚
雨三首之一韻

暮春霽雨江河溢。萬人如夢百事失。自夏徂秋斷雨絲。天乎豈欲殺萬物。我黍我稷餘枯株。其雨其雨轉日出。擔薪如桂錢不論。斗米如珠粒難乞。深河曲港成平原。千家百家煙銷突。官長徬徨禁宰屠。茹蔬步禱號神佛。忽然天竟回仁心。雨師風伯排秩秩。次第分行下土來。愁雲四起如深恤。吁嗟東南百萬生。不呼愁苦千無一。一日微雨喜沁心。

一日大雨爽入骨。腐儒夢裡尚憂饑。醒忽聞聲滿
蓬葦。焚香稽首向蒼穹。始信青天不可屈。眼看禾
稻發千疇。聽覺歡聲滿百室。寒裳笑問田間農。爾
輩從今舒抑鬱。湖中小艇久不拏。新漲烟波泛十
日。

寄龔少白 汝賓

忽忽悠悠土木骸。竹林結侶劇舒懷。香螺画榼今
零落。一鋪劉伶真可埋。

石屋禪院次韻

風雅江南客。幽奇約共尋。秋殘微氣肅。葉盡尚林

深。犬吠溪中影。人流雲外音。此游非草草。莫浪掉
頭吟。

漫村楓葉艷。匝寺菊花香。白雪華僧首。黃金麗佛
床。虎如鷗可狎。崖名天作瓦。何長。巖名攬勝能經

此。生平得易忘。

空巖陟自轟。一隙漏青天。安得驅塵累。長來枕石
眠。蒼苔留夜雨。白鷺破溪烟。萬斛松濤好。清風處
處傳。

積翠香爐嶺。藏書玉笥峰。出檐高萬仞。對戶折千
重。戰茗炊黃葉。聯詩據赤松。還期攜襪被。信宿聽

晨鐘

坐雨

寒雨迷濛水一方。憑山官舍儼村莊。疎窓竹粉侵
鬚綠。小榭茶煙颺。髻香漸好。題糕張酒。興豈憂催
稅亂。詩腸閒。門盡日無人。至獨守橫琴。夢蝶床。

送紫瀾

兩載官衙笑語親。崇朝判袂最傷神。邗江越水經
旬後。同作臨風相憶人。
料得風流隋苑邊。瓊樓高處布青氈。異時相訪誰
遙指。帆飽如弓鴨嘴船。

鑑湖雨汎聯句

夢憶湖上山。乘雨看新沐。雲欺鷺羽白。吳詩成水皺

鴨頭綠。小艇蘸蓑衣。濃樹溼蘿屋。何嘉釵股荇藻

交珠顆。菱荷簇秧苗。翻翠針。劉正魚子隱。輕澱放

翁餘數椽。知章留一曲。詩成始知前哲心。要豁後

人目。煙光倏晦明。嘉翊巒影競奔逐。清博恣狂呼

好景求饜足。噍噍林出禽。拳曲籬眠犢。流覽情自

移。正誼爬搔垢。捐宿老手揮珠璣。大斗酌醞醪。坐

我南宮圖。詩成陋彼季倫谷。磅礪才互矜。淋漓墨

盈掬。鉢響苦不長。嘉翊毫拈笑偏禿。雞口較雄雌

蝸角紛蠻觸。微如廣陌塵。眇若太倉粟。容身萬斛

舟。正誼抽思五車腹。清臞淡啜醅。膏腴鄙食肉。汪

汪千頃波。嘉珩一葦肆瞻矚。造化縱靈奇。世網縛

庸碌。歡腸倒蔗佳。妙理濁醪獨。霧藏鷓鴣鳴。候變

揚梅熟。正誼忽記桃作花。曾將漿搖淥。綺席彈柔

絲。艷妝凝曼睩。湘臯珮欲投。洛渚賦重續。紅芳竟

拉摧。詩成綠葉爭繁縟。積雨沒魚梁。微風生澤國。

纖鱗潑刺游。層雲變黓感。怒蛙聒野田。倦雀啁叢

木。回撓汎泠泠。正誼曳纜行縮縮。岍草覆蒙茸。隰

桑紛撲檄。鳩婦呼太勞。竹孫長何速。詩成漫村縲

車聲新絲上杼軸。酣歌踏農畝。青葱喜沾沃。吾儕

跌宕人。跬步官局促。嘉珩落落成一家。林林任萬

族。劈箋信手拈。得句聱牙讀。詩成快論峽倒流。豪

吟雷脫輻。詎讓奭雕龍。聊同髡炙轂。俯仰天地寬。

吐納山川肅。混茫闢巨觀。摹繪在尺幅。正誼驕陽

喜發潛。兔魄迷朏胸。鮮割雪色魴。酒敵雲安麴。更

令瓦盆傾。共脫葛巾漉。詩成有癖號書淫。無方醫

士俗。五字各為城。嘉珩八州誰羨督。巧匠貴自然。

拙工事穿鑿。正誼兩君洵天人。賤子甘臣僕。樂此

愴忘歸。坐對晚鳧浴。詩成

宛委山人詩集卷二

宛委山人詩集卷三

山陰

劉正誼

戒謀

暗香浮影集上

春日諸同學過訪留飲分賦

芳春二月靈雨零。千絲萬縷垂楊青。殘梅飄盡天
桃笑。微香細細枝婷婷。主人此日神頗爽。思乘小
蹇游郊坰。騷壇衆彥忽過我。叩門一一停輿下。便
呼小僕剪肥韭。謀之於婦傾香醞。圍几團飲飛花
下。武能說劍文談經。莊論未已雜諧笑。一時玉屑
飛盈庭。鼠鬚蠶紙鬪奇句。如金撞玉聲。玲瓏不求

人解求心足。剔抉萬彙收。英靈酒酣不覺發。狂語
夢夢天。夢安能醒。吾輩豈甘長蠖屈。何時齊鼓墨
浪翻滄溟。

寄懷華亭錢介維 柏齡

西冷昨歲聽吹笙。竹院秋燈夜正清。鬪飲實甘居
小戶。聯吟更怯遇長城。

客秋余偕錢丈聽曲吳山夕出與中丞
宋漫堂先生唱和詩見贈并以長箋索

暮議郎書
觴咏達旦梨花細雨春看半。燕子斜陽夢獨成。白髮
詞人遠不見。一絨臨發百愁生。

花雨村寓樓

偶攜襍被覓良游。花雨幽村五日留。嫩綠影斜分

小院晚紅香散入。高樓飛雲點水輕。於穀積雨消
春冷。過秋羌笛不知何處起。青天碧海落悠悠。

次韻答臨安盛鶴田 弘邃 見懷三絕

曾憶山齋共玉尊。西風送別出花村。綠波紅樹孤
帆遠。空有苔堦屐齒痕。

偏當卧病綠溪邊。燕子梨花穀雨前。不似去年矜
作達。軟泥紫陌看生蓮。

殷勤雙鯉寄相思。吳質風流從可知。幾卷卷蛩吟憑
寄與添渠苦海一人詩。

時錢塘吳寶崖附書
見詢并索近刻小稿

採藥

躡屩入巖壑寒雲滿春山繁香飛馥郁衆水流淙
潺好風吹野卉片片停溪灣高吟負長鑱曲折窮
躋攀每思此幽處真可容疎頑所憂天台女未必
仙緣慳相逢才幾日說已經千年胡麻慎莫飲一
飲家難還

送魯雪堂

國書之廣陵

柳鞦韆長條復短條離筵燭影耿清宵我舍別恨三
千斛君問春風廿四橋紫陌斜陽金勒馬紅樓明
月玉人簫故園望整歸鞭早莫待梨花滿院飄

春日懷內弟章南原

士

蒙茸碧草抽芳春蒼池日麗波粼粼桃花百媚背
風笑游絲飄蕩牽香塵柳葉長垂竹葉短綠陰忽
覆雲塘滿朱樓繡箔紅粧人倭隋橫釵吹玉管一
庭如雪飛濃花可憐春思盈天涯陌頭蹀躞紅驄
遠橋邊搖曳青帘斜懷人不見心如霧茫茫塊靄
西東路倚闌搔首空踟躕鶯簧鼓上煙深樹

慰友

一夜東風花亂吹多愁人欲損腰肢情絲那得羈
桃葉淚雨空勞泣柳枝幽夢牽帷聊復做餘香入
被豈堪思王孫珍重雙開鏡應有良緣似舊時

寄吳四丈何七

閒庭萬綠濃四圍垂翠幄黃鸝上高枝將以鷓新
鷓憶在龍山中文酒逞歡樂吳君領風華何君亦
卓犖聯吟無晨昏鬪酒歷晦朔忘形互揶揄肆口
相評駁人生在娛情安復顧謠詠自我乍離群擔
簞遠游學遙念小蓬萊依然雙玉馱吳君舞霜矧
何君橫冰槊美不知兩賢如何互爭較笑語向何
君憂君命蹇剝莫似月中薪輕爲吳剛斲

春日兩訪友人不值

飛飛乳燕掠斜陽細柳青帘杏酪香一澗桃花人

不見寂無言語返劉郎

重叩橋西流水門空看芳草憶王孫條條巷陌人
歸去消盡千花香裡魂

過南湖園亭與朱查軒

悅仁

李禹川 濬題

詩處

一曲明湖一草亭画廊回合列山屏花陰小婦挑
春菜柳下游人釣雨萍薄霧輕籠野樹綠微波細
感曉天青舊時鶯燕應相識祇怪今番客獨經

次答諸進士

來晟

盛歲題名占上頭中年解組卧林丘碧山不負堪

舒嘯香草多情足寫愁酒滿深杯厭獨酌書充高
架恣勤搜水邊沙際閒鷗隊羨煞忘機日與游

贈陳六

準

虎頭渺矣龍眠遐誰能人物稱專家吳興解元六
如子傳神阿堵推無加十洲仇英更絕冠丹青一
代真堪誇吾鄉老蓮小蓮子生面獨啟祛鉛華此
外芸芸畫苑客浪拈不律徒紛拏陳君採葺諸家
秘握定雙管搖奇葩五日一山十日水水光澹施
山嶮岬亭臺樓榭一髮構生樹鮮潤枯槎朽其画
美人尤奇絕嬌靨割取天邊霞柳葉作眉杏作眼

綠雲盤項垂烏鴉纖腰束素真一捻珠裙裊裊籠
蓮花增之太肥減太瘦總如白璧無纖瑕苧蘿中
人金谷妾勃勃神動身欹斜我輩貧士守隻婦金
釵粉黛心空奢何如君取傾城貌十人百人圖輕
紗環懸齋壁共卧起宛能言語聲喧譁如過屠門
恣大嚼雖不得肉歡無涯愛君妙手真無匹長歌
歌罷還咨嗟

寄禹川

如繡春光去莫留含情獨坐夕陽樓朱闌橋下清
清水日載飛花一巷流

百尺層樓勝廣寒。循花倚柳日盤桓。可憐今夜如
眉月。獨倚紅簾第幾闌。

玉蘭花徑隔隣深。日共尋人捉手吟。夜雨燈前懷
往事。傷無別處結同心。

後無題

花影瓏璁覆苑牆。年年看過一春長。玉鈎簾捲中
宵月。金步塵寒滿地香。幾遍青陽銷粉墨。千行紅
雨浣衣裳。當時石尉真情種。翻惜蛾眉不善藏。
垂垂銀蒜晚風欹。鸚鵡當簾喚步移。菡萏猶開含
笑靨。葡萄不進合歡卮。帳懸雲母香消早。門掩葳

蕤夢到遲還勝上陽。諸女伴白頭空話少年時。

新來也是畫長蛾。薄命生成奈若何。幾斛明珠空
買笑。十牀絃索不聞歌。掠殘青鬢憐庾弱。挑盡紅
缸問影多。怪底春風無意緒。橫枝偏易托絲蘿。

雜珮聲傳畫檻東。幽踪初學出房櫳。人間片葉如
堪寄。天上微波好借通。月近珠樓妝未卸。花藏羅
襪步曾工。新來怕捲重簾看。半是殘霞半曉風。

靈犀不解辟輕寒。薄袂回風怯夜闌。曾記畫眉如
月小。忽驚飛鬢似雲殘。歌低春宴調金管。句寫秋
心入素紈。鏡裡新妝花下影。消魂祇作有無看。

弱不勝衣影自我亭亭獨立看如何東風夢已迷
黃蝶南浦春還釀綠波冷偏雙鬟施薄綺妝添一
抹鬪輕螺韶光好惜銷殘後落絮飛花有許多
當筵曾共按霓裳燈火催人整夜妝自別春風拋
束素長隨明月捲流黃閒情易謝鉛華夢檀口難
消笑語香省識玉樓金鎖事欲逢青鳥問家鄉
行樂當年不記愁紫雲歌博錦纏頭溫柔別向人
間種顰笑爭隨眼底收好夢欲尋芳草去春心還
借落花留如今難覓吹簫侶十二簾間月滿樓
已分身無彩翼生臨風依舊步輕盈玉蛾欲斂留

歌態香韻微飄隱笑聲未必人能真入夢却疑天
許獨鍾情相思一夜來何處祇向屏山數去程
兩點春山明鏡前鬪妝初倦亦堪憐朝寒自起薰
金鴨夜雨誰同聽杜鵑小語花間迷處處佳期雲
外盼年年坐中祇道新聲好錦瑟空彈五十絃

同筍山訪素堂於竹中巢用董東田瑒題

壁韻

來訪維摩病朱扉綠水心相看憐瘦骨小坐洗煩
襟竹翠林邊拾荷香葉底尋懷君夜夜夢不作始
從今

萬竹環巢碧。真堪度小年。花飛人至後。雲到我來先。
翠幔當門捲。紅螺遶座傳。風流應共賞。豈遜晉時賢。

逸少風華首。環區向北辰。藏花紅粉閣。結屋綠楊津。
枕落金條脫。窓留玉辟塵。不知天下士。誰是眼中人。

急雨漫村至。煙波出釣翁。雲拖墨欲透。天作画偏工。
避酒全非弱。爭吟太不公。余每得句。笥山必攘臂而起。謂奪彼意中語也。通宵歡讌罷。雙槳趁晨風。

竹中巢與笥山素堂夜話有懷吳四丈限

韻東寄

遠山聳兀兀。近水流濺濺。堦下新雨地。牆上紅霞天。
修纖萬竿竹。日暮搖蒼烟。愛鵝王逸少。愛復兼青蓮。
蓮花開的的。蓮葉浮田田。曲池環客座。香氣清風牽。
知己共促膝。誰忍床中眠。晚涼侵衣袖。人如登仙擎。
尊恣濶論放浪真。無邊所傷與吳質。兩地參商懸。
安能雲一片。接取同芳筵。玉唾座間散。佳句燈前聯。
片語供咀味。一字窮雕鐫。疎螢負小照。爛花中穿舉。
頭各歎息。低頭思綿綿。

竹中巢小別素堂

名士幽棲迥不同粉泥墻矮露青空客來竹影松
濤下人卧荷香柳浪中嫩綠帳垂藏小夢軟紅簾
捲透輕風預愁別後相思苦時放雙魚鏡水東

夜坐贈內

夜坐芳堦看綺霞何慚徐淑與秦嘉一雙燕入門
邊箔幾點螢流窓上紗明月扇搖紅藕弱珍珠蘭
韞綠雲斜會心如解吟情起喚取烏薪煮露芽

咏團扇

一片銀華下玉臺含情人獨擁徘徊紅蘭白露芳
堦畔點點飛螢手撲來

小卸殘妝坐綺櫳餘香冉冉作涼風分明天上團
圓月搖動柔荑玉腕中

潔如冰雪白凝脂輕比蓮花不嬾持辛苦流連誰
眼見掩唇歌殺謝芳姿

送徐西來之熾北上

一門同學愛輕肥日送征帆歷亂飛猿鶴應驚詩
客少溪山真笑酒人稀曉風殘月石行路野水寒
煙我釣磯暢欲傾尊訴別緒更無片語總依依
百疊家山入暮蒼長橋斜日上牙檣祖行綠浦三
千客掩面紅樓十二行旅夢夜休離鑑曲征衣秋

便到遼陽我情不似汪倫淺千尺桃花水足方

懷石庭上人 元鴻 用放翁聞雁韻

樓高秋氣佳日落天光黑哦詩凭危欄遙望稽山
北萬山孤菴中君時當晚食漠漠寒烟深瑟瑟涼
風逼冥鴻入雲飛誰復施繒弋惟有思君人恨無
雙羽翼

哭商廿八表兄介廬

歎息斯人乃不留驀分華屋與山丘眼中誰倚諸
黃口棺外長號一白頭對此安能作曠達傷心頓
覺盡風流淒涼舊日西州路淚湧如潮那得收

公車四上盡成空曠世才華奈命窮生不如人工

暮乞死須為厲殺冬烘 時兄南宮下第歸即鬱鬱成病 傷君地上還天

上歎我愁中復病中從此茫茫不似昔相思何處

寄郵筒 相思千里寄郵筒兄見懷句也

雙珠樹復見回春 兄家自冢宰公兄弟聯飛後至是與兄培世復相繼舉於鄉 一樹摧殘

實愴神世上儘多可死者冥間偏愛有才人黃泉

碧落魄長渺白社青山迹竟陳 余與兄及同郡十子始盟宛委山時兄頻咏蘭亭記

俛仰之間以為陳迹數語不謂我兄竟先當此痛也 歎息當初吟嘯侶誰何血淚不

霑巾

落葉蕭蕭鑑水隈可憐我友赴泉臺竟如小別抽

身去倘不相忘入夢來玉樹生生理埋着土繡囊鬱
鬱築成堆紅蘅碧杜秋風冷日暮吟些可勝哀

聞介廬訃往哭之慟有笑余過哀者口占
謂之

慟哭心知逝夜臺為他不覺過情哀如卿數百今
朝死能乞劉君滴淚來

痛殺人間去子雲旻天夢夢復何云從旁多少衣
冠客不死諸君死此君

懷錢二石渠

飄泊天涯客思他淚欲傾公車五不第家計百無

成親昔貧時歿秋今客裡生樽前懷遠道脉脉獨
縈情

玉堦怨

玉露沾羅襦盈盈望秋月但見清光多不知芳草
歇

重九獨吟

三徑蕭疎遍草萊病中節序歎相催山容秋盡寒
如削雲浪天空聚作堆人正愁時黃菊老雁當飛
處紫煙開白衣門外何曾到自買村醪醉一回

秋柳

憔悴西園裏。長條無復垂。不堪樓上望。偏向笛中吹。
野水煙籠處。江村日落時。寒鴉惱人意。栖斷萬千枝。
黃鳥幾時別。愁牽斷岬邊。不藏遊子騎。空拂釣人船。
搖落鳴蟬路。淒涼送雁天。可憐隋苑晚。樹樹掛寒烟。

書懷四律

曲閣凭闌看碧空。蕭蕭霜葉滿墻東。疎林落日烏頭白。
小浦淒風雁淚紅。一覺夢初回枕上。十年愁盡起懷中。
寒虫四壁吟何苦。簾底吟聲笑與同。

白日空過守寂寥。芳蘭深谷冷無聊。鏡中笑乏封侯面。
帶裡難摹作令腰。剩水殘山銷酒甕。零花碎月積詩瓢。
無邊幽興公公落。碧草橫波雁齒橋。跌蕩春風花酒場。
美人一去恨茫茫。鳳鵝箱疊空勞憶。絃索牀拋劇可傷。
無賴玉虫搖瘦影。多情金鴨吐餘香。凝眸何日傳消息。
貽我親裁雲錦裳。離恨千重山可齊。同袍遠隔最含悞。
寸心寄月愁天遠。尺素藏魚恐路迷。烟水蒼涼一笛擲。
雲山蕭瑟幾猿啼。小窓燈火人長歎。花裡鐘聲落澗西。

從軍行

十載黃花戍未回，思鄉獨自上龍堆。
昨宵冷卧陰山客，曾向閨中夢裡來。

寄答沈岱瞻并詢查太史 嗣璫

病中揮手去，分外起離愁。
無復勞石問，深知爲我憂。
雲歸千嶂暮，葉落半江秋。
欲訪蘭亭客，安能到

越州

往查君訂余今秋見訪并作蘭亭游

遣興

風流自賞少年情，小舍幽棲韻劇清。
十月紅蓮新稻飯，三江青鮒小魚羹。
桃花源內人無信，瓜子湖中波有聲。
吟興不知何處起，藕絲一縷吐懷輕。

驚霜雁陣冒寒衝，五夜多慚枕畔鐘。
氣質向來常懊惱，性情近頗識陶鎔。
人誰有意求神駿，天豈甘心老卧龍。
片片飛雲翔碧落，消間木末擷芙蓉。

同家偉男風人俊，民士薪梅田諸叔飲雪。
滕六驂龍飛彤雲，布漠漠寒威充戶庭。
何以爲歡樂，家風南阮齊群從。
咸卓犖共愛六出花，雜坐梅邊閣。
漫天珠琲拋滿地，瓊瑤落烏桕。
紅爐焚綠酎，深杯酌我思。
高臥人凍縮如尺蠖。

碧霞灣同岳上人

叠嶂真如畫，攜筇得得尋。
古苔過鹿跡，寒日澹松

陰磴轉泉迎面崖懸翠撲襟惠休詩力健掃石紀
清吟

谷口飛殘葉幽禽傷午啼回看青岫合不厭白雲
逃玉匣藏千古樵風滿一溪何能脫世網縛屋此
長栖

毛西河太史過訪不值東寄

近日宛委山梅花開萬樹前宵小艇出東門淡月
濛濛紛烟霧驪裘吹透雪中香芒鞋踏盡花間路
得少佳趣忘歸來山中竟易三朝暮先生何事念
鯁生片帆直向錢塘渡入門不見倒屣人出門便

返西泠步歸來童僕驚相聞怦怦真悔錯良晤迺
思和靖居孤山客至鶴飛招則赴今無白鶴遙相
招客來空被梅花悞

閱吳蓉村四丈擷芳園集感其所遭書後

三絕

書劍從軍亦壯哉却衣縫掖賦歸來軍中十二鏡
歌曲曾試吳均倚馬才

鏤冰雕雪盡成文江左名流孰與群偶向蕪城工
一賦才華已掩鮑參軍

青雲事業竟蹉跎小住柴桑日嘯歌自古才人艱

宛委山人詩集 卷三
一遇拾遺供奉坎珂多

聽李進士瀛彈琴

積雪明虛牖皎月穿疎櫳空庭雙桂樹碧葉烟濛
濛青蓮寫清興幽響馳絲桐一彈环錯落再鼓玉
玎玲五湖流烟雨平沙落飛鴻神旋游六合聲旋
唳太空乃知七尺木至理含無窮彈罷合雙目餘

韻為清風

五湖煙雨雁落平沙神遊
六合聲唳太空俱曲名

夜行東城次朱十六查軒韻

淙水東城下扁舟薄暮經遙天片月起繞郭萬峰
青林睡成群鳥波流似粟星癯然消瘦質人鶴兩

忘形

時舟中
載鶴一

訂友人遊宛委山

何處仙人窟吾鄉宛委山約君同採取金簡玉書
還

筆
卑峰亘逶迤高峰聳萃律摘一青芙蓉贈君架彩

宛委山人詩集卷三

卷之八

八

八

Blank lined page with vertical ruling lines.

